

Äöpeningsweurdje

Leif luuj,

Zeet geer weier alleney trök van vekans? Bietje goud weier gehad? Haopelik baeter waer es de aafgeloupe daag hie in Zitterd! Veer zeen alleney weier trök in 't landj en weier begoosj mit wirke. Ouch zeen veer alweier drök mit de organezase van äöpening seizoen. Mer veurdats 't vastelaovesseizoen weier begint sjtaon eesj nog angere aktiviteite op 't pregram. In dees nuutsbreif waere de versjillende aktiviteite van de kómmende waeke besjreve.

Väöl laesplezeier!

Mit de Kómplemente,

Joyce Gijsen,
Veurzitter

Óngerwerpe van dees nuutsbreif:

- * Sjlagerkonkour: Jo de la!
- * Sjöttefees ... oetgesjlaope?
- * De Desperado's life oppe Helsjtraot
- * Avro muziekgala veur Teun Hermans
- * Rubriek Modeplisse
- * Wis geer dat ...

Redakse nuutsbreif:

Anne

Sjlagerkonkour: Jo de la!

Oppe verjaordaag van ós Vlemke Anne, de zaoterdig van 't lètste waekènj van augustus haet de finale van 't jaorlikse vastelaoves leidjes konkour plaatsjgevónje. In de sjeigeltent oppe Cour Solanus waar 't daen aovend erg gezellig en kreege veer al ein bietje 't richtige vastelaovesgevuil. Zo wie gezag in de nuutsbreif van juli höbbe Paul en Bas ouch ein leidje gezónge. Helaas zeen ze neit bie de letste veier geëindig. 't leidje 'jo de la', gesjreve door Thei Wessels en gezónge door Paul Jean Jessen, haet gewonne en maag zich de nuuje Marottesjlager van 2011 van Zitterd nuime. Oppe tweede plaatsj eindigde 't leidje 't Ei van de Pappagey' gezónge door Raymond Goulding en Damoiseaux. De driede plaatsj waar veur 't duo Gein Haor Baeter mit 'Doe bès geweldig'.

Hieonger kènt geer 't refrein van 't winnende leidje laeze, mer kiek oet... 't blif de gansen daag in diene kop hange! Gelökkig is 't waal een heel leuk leidje, dus dat sjaelt!

Jo de la – Paul-Jean Jessen (Muziek Thei Wessels)

Jo de la die...is kepot!
Jo de la die...is riep veur bieje 't sjrot
De la Jo, de la Jo, waat bèste toch ein sjaop
Jo de la, Jo de la, Jo de la mótt aop!
Jo de la, Jo de la, gaef mich nog ein bietje haop) 2x

Door: Joyce G.

Sjöttefees ... oetgesilaope?

't Sjöttefees kump d'r weier aan. Veurig jaor höbbe veer mit ein aantal Vlemkes mit geloupe mit d'n optoch. Dit, omdat Ruud Meeuwissen, vrundj van Audrey, keuning waar gewaore.

's Möriges höbbe veer ein lekkere mörgeskaffe gehad mit sjepek en ei. Nao d'n optoch haet Audrey ouch eine keer maage sjeite.

Dit jaor doon veer helaas neit mit. Veer sjtaon waal oppe wachlies om mit te kenne doon, mer d'r is op dit moment gein plaatsj vrie. Veer haope natuurlik dat veer in de toekóms mit kenne sjeite, zodat veer de mansluuj èns kenne inmaake. 't Liek os waal erg leuk om ein Vlemke es Keizerin te höbbe.



Door: Amy



Veurig jaor won 't köppelke hienaave de pries veur sjoonst verkleide paar van 't sjöttefees 2009. Dit jaor zal 't köppelke 't sjoonst verkleide paar zeen van Zitterd veur ein gans anger gelaeg ... os kleinste Vlemke zal dees zomer namelijk mit häör sjerpe sjötter in 't huweliksbeutje traetje! En veer zulle d'r alleney bie zeen om 't te viere!

Veer wunsje Audrey en Ruud vöäl sukses mit de veurbereidinge van hunne "super sjoene daag!"

Door: Anne

Auwt Prins Ramon hienaave besjloot aan 't ènj van 't Keizesjfees aafgeloupe jaor neit mee op hoes aan te gaon mer ziene roes oet te sjlaope op sjtraot. Hae hauw zich dao ein lekker neske gevönje langs de moer van Cour Solanus. De geruchte gaon dat wie hae 't 's mörges wakker woort de patsj, de sjoon en de beusj verdweene waare. Ouch klaagde hae røndj äöpening seizoen nog ummer van eine sjtieve (staefkes) nek. Veer haope veur häöm dat d'r dit jaor waal oppe vogel kènt mikke.

Door: Anne



De Helsjtraot / Zitterd boewt ein feeske

EINE PARTY IN DER VORHÖLLE.....!!!

Veurig jaor waar de eesjte editie ein klinkend sukses! Ouch dit jaor heure veer weier: 'Es gibt ein Party Alarm'! Zo wie geer wellich wit organiseiere Lunchsalon Societea (Geer wit waal, de zaak van 't Sjtaefke) en Kafee de Vaan- 't Ecrevissehoes saer veurig jaor same in september, en waal op 18 september a.s. vanaaf 18.30 oere ein gezellige aovend mit zowel Nederlandstalige, Limburgse en Duutsjtalige meziek!

Dass ist Wahnsinn...dat is 't zeker!!

Veurig jaor ware de Vlemkes toevallig dit weekendj samen op sjtap en ware veer d'r neit bie. Dit jaor gaon veer dat 'ns effe flink inhaalen;) Tijdens dees aovend wirt de Helstraot geseierd met voöl sfeer, meziek, beier en eine grote barbecue. Veer es Vlemkes vinge dat dé ingrediënte veur eine richtige Party!

Eesj wurd de sjpits om 18.30 oere afgebeete door 't Hermenieke. Daonao is 't tied veur eine richtige Zittesje act mit De Desperado's!!!! Mit hun ludieke acts en humoristische fratse zulle zie ouch dit jaor weier ein fantasties sjpektakel van maake. Ich bèn benuud aan wae drummer Bram dit maol ein serenaad geit gaeve..

Ton en Henk maake d'r ouch ummer ein feeske van. Bekend es de frontlinie van de Janse Bagge Bend zètte dees twee heere gegarandeerd de Helsjtraot op ziene kop. Ich weit neit of geer 't optrae oppe zondag van St. Rosa in de speigeltent hób gezeen, mer es ich zègk dat dae dikke zich veurdeit es Michael Jackson dan beginne bie mich de lachsjpiere alweier te bewaage.. Ich wil 't gaaroets neit misse!



Big Benny zal de sjtein vervolges vakkundig oet de sjtraot laote rammele wonao om 22.30 oere ozze Pruujsje vrunj zörge veur richtige sjlagers. Eesj **Claudia Ansel**, bekènd van WDR4 en daonao de sjlagersensase **Kölsch Platt**. Veur wae nog sjtöm euver haet nao al dees sjpektakel: d'n aovend wurt aafgesjlaote door de einige echte Italiaanse Sjeng, de sjter van Rimini Records: **Fabrizio**! Zien bio is kort: "n bitsje zinge, 'n bitsje rundsjes rije op de Vespa, en 'n bitsje amore. Daoneve maag iech gere zoe noe en daan 'n tèt signere..." Zien hit "Sjiek is miech dat" is

noch ummer groot. Gein excuses dus veur de 18de september....

Es gibt ein party in der Vorhölle!

Door: Lotte

Avro muziekqala veur Teun Hermans

't Jaor 2010 is 't jaor van Teun. Zitterd organiseerde daarom ein aantal sjoon aktiviteite om ziene dood te gedènke. Ein van de hoogtepuntje waar toch waal 't Avro Toon Hermans Tribute van aafgeloupe zòndig. Os sjtad kreeg inèns waal enorm vööl allure mit sjterre wie Chantal Janssen, Stef Bos, JURK, Karin Bloemen, Herman Finkers, Rowen Hèze en Guus Meeuwis. Veural dees lètste deig de harte van meinig vrouwluuj sjneller klóppe. Zowie de naam van 't sjpektakel al zag woorte leidjes van Teun gezònge. Magnefiek, dat ich waal meerdere memènte ein brok in de kael haw. D'r zeen nog sjus gein zakdukskes aan te pas gekòmme. 't wurt dus èns tied dat ich ouch ein cd'ke van Teun gaon koupe veur mien privékollektie. Went ech, dae man



koosj leidjes sjrieve.... 'T waar dus ein gesjlaagden avoend vol mit prachtige meziek. Waal jaomer dat 't mer zo kort doerde. Bènnen ein oer waar 't al gedaon. Helaas, mer d'n avoend hōbbe veer toch nog vol gekreege mit ein gezellig glaeske in de kroeg. Moch geer neit zeen gewaes dan hōb geer ech get gemis. Mer neit getreurd, 't wurte uitgezōnje op d'n televisie op zaoterdig 11 september bie de Avro. Misjiens zuut geer dan nog ein bekēnde in beeldj. Lèt dan ouch sjpisjaal effekes op mich. De kamera sjtóng rech veur miene sjoet en ich hōb dao de gansen avoend sjoon in sjtaon lache. Mer misjiens waer ich waal d'r oetgeknip, went zègk noe zelf, mit Chantal Janssen kēnt neemes konkureiere.

Door: Marjolein

Rubriek: modeplisse



Dees maondj in de rubriek mode:

In dees ediese van de modeplisse numme v'r auwt Marotteprins *Cyrille Niël* èns gaer mit uch ònger de loep. Cyrille is gebaore in 1972 en is bekēnd es zenger. Waat vōl luuj misjiens neit van Cyrille weite is dat d'r ouch organis is. Hae waar prins van de Marotte in 1997-1998. Cyrille nump regelmatig deil aan 't sjlagerkonkoer van de Marotte. Dees wedsjtried haet hae in totaal al zōs keer gewōnne. De eesjte keer waar in 1998 mit Geert Kremesj (Kartoosj). De sjlagers woorte geschjreeve door 't duo John Smeets en Gian Prince.



Cyrille sjeelde mit in de Zittesje revuus es solis in 1998, 2004 en 2007. Ouch dit jaor zal hae weier sjittere oppe bühn es solis in de revuu van 2010: Kloostergeheime. Cyrille leet zich bie dit soort gelaeg gaer sjtaeke in extravagante outfit wo meinig coupeuse zich de ouge op oet zal kieke. In de foto zeet geer hōm dan ouch in ein kleurriek kesjtuum mit eine forsje kraag. Hae vuult zich nog ummer keuning karnaval

Bouk geer Cyrille es zènger bie ein willekeurig gelaeg dan kēnt geer hōm aevel verwachte in en sjiek rok-kesjtuum mit richtige, feyn gewiksde laksjoon. Hae sjteit d'r in zo'n geval altied fien verzōrg op en leet zich dan ouch neit zègke: "Wie zuus doe oet!" Daoveur òs kōmplemente!

't Leifste zeen de modeplisse deeze greutsje aankōmmend vader (van eine tweeling) casual oftewaal informeel gekleid. Geweun wie geer 'm altied in de sjtad taegē kent kōmme mit ein sjepekerbōks en eine flotte polo. Al mit al kēnne v'r Cyrille beoordeile es gewaag wo 't kēnt, sjiek es 't neudig is en lekker geweun wie hae is.

Eindsiefer veur Cyrille: 8,5

Door: Nada van Nie en Patty Zomer

Door: Audrey

Wis geer dat ...

- ein aantal vlemkes mit kēnjer wirke, mer d'r noe ouch ein Vlemke zich geit spijjaliseiere in auwer luuj?
- veer ein Vlemke in de vereiniging hōbbe, die neit in de gaate haet dat ze per ongeluk kolder maak? Wae dēnk geer dat dit is?
- de Vlemkes bekans ein nuuje website hōbbe.... Veer laote uch weite wienee 't zoowied is!
- Natalie nao 't drēnke van enkele likeur 43 os in 't deipste geheim haet verklap zich gaer 'ns op te wille gaeve veur Idols (Dat is natuurlik neit taegē douvemansour gezach;)...)
- Audrey nao de zeipkisterace nog ummer op zuik is nao de eigenaer van 't slipke dat veurop de bolide van de vlemkes bevestig waar.. Diegeine die mee infermase of tips haet euver de muigelike signalemente van de eigenaer kēnt zich melje op ozze website.
- Amy en Joyce T. op zuik zeen gegange nao leifde op Castle of Love?

- Dit letterlik in 't water is gevalle.. ?
- Ze pès aan de kneie in d'n drèk höbbbe staon sjprènge en danse..?
- Ze zich ondanks alle raege goud geameseierd höbbbe?
- D'r noe al luuj zeen die ideeas aan 't bedènke zeen veur 't Kafeeke mit 't sjoonst geseierde wc-ke?
- De mansluuj 't mer discriminatie vènge dat allein de vrouluuj wc geseierd wurd?
- Veer weier drök bezig zeen mit alle veurbereidinge van dees aktiviteit?
- De Vlemkes bienao alle aovende van 't Sint Rosa festival in de sjpiegelentent aanwezig waore?
- Veer heel vääöl bonne höbbbe verkoch?
- Veer auch vääöl van dees bonne höbbbe opgemaak aan beier en wien?
- Veer os alweier sjpichte op 't volgende fees?
- Dat os kleinste Vlemke op grootte heugte ten huwelik woort gevraog?
- Dat ze dit gewunsj haw mer neit haw verwach?

Óngerwerpe nuutsbreif 10

In de nuutsbreif 10 kènt geer ónger angere laeze euver:

- * Äöpening seizoen op 14 november
- * Sjöttefees
- * Feeske oppe Helsjtraot
- * Rubriek Modeplisse
- * Wis geer dat ...